

1598 blicæ fore non existimarent, ut, quæ latissimos fines cum hostibus haberet, eorum primos impetus exciperet.

*Alberti
Austriaci
cui Philippus
Regis filius
nuptia.*

Dum hæc geruntur, Philippus Hispaniæ Rex, ut tandem Isabellam filiam Alberto Archiduci, quod antea statuerat, connubio jungeret, Madritum Philippo filio accersito, quem Velladæ Marchio, ejus alumnus, Christophorus Mora, Joannes Idiaqueus, consilarii, Nicolaus Damanus, Brabantiae præses ac scriba, stipabant, decretum perlegi jubet, quo Belgium filiae tradit: conjuges, eorumque liberos supremos Principes Belgii provinciarum, Franciæ Caroleique comitatum, ac Burgundiæ constituit, ea lege, ut si, nulla relicta prole, decedant, eæ rursus provinciæ Hispaniæ adnectantur. Itaque Albertus Cardinalis comitia in Belgio convocat, subjectosque sibi jurejurando adigit. Bruxellis septembri mense digressus, galero deposito, Pragam contendit, de Belgii rebus cum Rodolpho Cæsare fratre acturus; inde Græcium profecturus, ut Margaretam, Archiducis Caroli filiam, Philippo Hispaniarum Principi conjugem designatam, secum in Hispaniam duceret. De filii filiaeque connubio Philippus per Mendozzam Senatum certiore facit. Eadem Albertus significat, seque in Hispaniam iturum, Ferrariæ Clemente consalutato, per ditiones Reipublicæ iter se habere cupere ostendit. Ea re cognita, bini legati, qui ad Venetos fines Margaretam, Hispaniæ Principis sponsam, Albertumque Archiducem excipiant & comitentur, designati, Paulus Paruta, Vincentius Gradonicus.

*Philippi
Hispaniæ
Regis filii
cum Margaretæ
Austriacæ
nuptiæ.*

*Paulus Paruta,
& Vincentius
Gradonicus,
legati
ad Hispaniam
sponsam intra
Reipublicæ
fines excipien-
dam.*

Per eos dies literæ a Francisco Superantio, Reipublicæ in Hispania legato, de Philippi Regis obitu afferuntur: exacta jam ætate, arthritide febrique correptum, divi Laurentii templum, quod regio sumptu septem a Madrito leucis ad Eufcurialem substruendum curaverat, summoque religionis cultu prosequabatur, perducere voluisse: exiguum id iter septem diebus ob corporis imbecillitatem confecisse; ingravescente morbo, lethoque adventante, Ecclesiæ sacramentis munitum, ab Clementis legato Gartiam Lojolam, cui Albertus Archidux Toletanum archiepiscopatum resignaverat, insignis illius ecclesiæ Antistitem solemniter ritu consecrati jussisse. Filiis, eodemmet Archiepiscopo præsentibus, ad Principem conversus, quoniam humana amplitudo